

ՔԱՂԱՔԱՅԻՆ ՏՆՏԵՍՈՒԹՅԱՆ ԶԱՐԳԱՑՄԱՆ ԵՆԹԱԿԱՌՈՒՑՎԱԾՔԱՅԻՆ ԱՊԱՅՈՎՎԱԾՈՒԹՅԱՆ ՀԻՄՆԱԽՆԴԻՐՆԵՐԸ

Շուկայական տնտեսության ձևավորման պայմաններում սոցիալական բազմաբնույթ հիմնախնդիրների լուծման ծանրության կենտրոնը, որպես կանոն, առավել հաճախ տեղափոխվում է խոշոր քաղաքների և առանձին տարածաշրջանների մակարդակ, որոնցում կենտրոնացված է բնակչության կենսագործունեության ապահովմանն ուղղված գործառնությունների զգալի մասը:

Ընդհանուր առմամբ տարածաշրջանային ենթակառուցվածքների զարգացման և գործունեության առանձնահատկությունները պահանջում են ենթակառուցվածքային համալիրի քաղկացուցիչների կառավարման խնդիրների լուծման գիտականորեն հիմնավորված և տարբերակված մոտեցումների կիրառում: Ներկայումս ավելի մեծ բարդություն և, միաժամանակ, գիտական ուսումնասիրության ու գործնական կենսագործման ցածր աստիճան ունեն խոշոր արդյունաբերական քաղաքների արտադրական և սոցիալական ենթակառուցվածքների կառավարման և գործունեության հիմնախնդիրները: Տնտեսական հարաբերությունների վերափոխման արդյունքում ակնհայտորեն որոշակիորեն փոխվել է նման ենթակառուցվածքների տեղը վերարտադրության գործընթացում, և զգալիորեն մեծացել է դրանց ընդհանուր տնտեսական նշանակությունը: Ակնհայտորեն զարգացման ներկա փուլում խիստ կարևորվում է քաղաքային տնտեսության բնականոն գործունեության ապահովումը, ինչը, ի դեպ, պայմանավորված է ենթակառուցվածքային համալիրի արդյունավետ կենսագործունեությամբ: Տնտեսական ենթակառուցվածքները առավել մեծ դեր ունեն սոցիալ-տնտեսական ընթացիկ և հեռանկարային խնդիրների լուծման գործում, որոշակիորեն պայմանավորում են բնակչության կյանքի որակը և ստեղծում քաղաքի տնտեսական ներուժի ընդլայնման արդյունավետ հիմքեր: Այս տեսանկյունից քաղաքային ենթակառուցվածքների կառավարման մեխանիզմների կատարելագործման հարցերի համակողմանի ուսումնասիրությունը տարածքային քաղաքականության խնդիրների արդյունավետ լուծման անհրաժեշտ նախապայմանն է:

Հարկ է նշել, որ զարգացման ներկա փուլում ռեգիոնալ տնտեսության մեջ առավել նշանակալի դեր ունեն խոշոր քաղաքները, քանի որ հենց դրանցում են հիմնականում կենտրոնացված ֆինանսական և տարածքային շուկաները: Բացի նշվածից, այդ բնակավայրերում է տեղաբաշխված տարածաշրջանի բնակչության, արտադրողական ուժերի, ինչպես նաև գիտական և մշակութային կենտրոնների զգալի մասը:

Տնտեսական վերափոխումների գործընթացում ձևավորված հիմնական միտումների վերլուծությունը թույլ է տալիս բացահայտել քաղաքի զարգացման սոցիալ-տնտեսական հիմնախնդիրները, որոնք պայմանավորված են արտաքին և ներքին գործոններով: Տնտեսության զարգացման ներկա փուլում քաղաքային բնակավայրերի կայուն զարգացման ապահովման կարևոր գործոն է զարգացած ենթակառուցվածքների առկայությունը:


Ընդհանուր առմամբ տնտեսագիտական գրականության մեջ «քաղաքային ենթակառուցվածքներ» հասկացության միասնական սահմանում գոյություն չունի: Որպես կանոն, քաղաքային ենթակառուցվածքները նախատեսված են տարբեր ոլորտներում որոշակի գործառնությունների իրականացումն ապահովելու համար, այսինքն՝ կրում են միջոլորտային բնույթ և կատարում են ինտեգրացիոն գործառնություն: Բացի նշվածից, քաղաքային ենթակառուցվածքները

չեն ստեղծում նյութական բարիքներ, այլ պետական ֆինանսավորման միջոցով իրականացնում են որոշակի խնդիրների լուծումն ապահովող գործառնություններ:

Պետք է նշել, որ ենթակառուցվածքների ավանդական տարանջատումը արտադրական և սոցիալական բաղկացուցիչների ավելի շատ կրում է պայմանական բնույթ, քանի որ որոշ դեպքերում հնարավոր չէ միմյանցից տարանջատել քաղաքային ենթակառուցվածքների կողմից արտադրության ոլորտին և բնակչությանը մատուցվող ծառայությունները: Կառավարման կենտրոնացված համակարգի պայմաններում քաղաքային ենթակառուցվածքների ճյուղային դասակարգումը ներկա փուլում գործնականում կորցնում է իր կենսունակությունը, քանի որ հիմնված է պետական միջոցների հաշվին քաղաքային տնտեսության կառավարման և զարգացման պլանավորման վրա: Բացի այդ, տնտեսական հարաբերությունների ազատականացման փուլում տեղի է ունենում ծառայությունների ոլորտի առևտրայնացման գործընթաց, փոխվում են արտադրության և ծառայությունների ոլորտների ձեռնարկությունների միջև տնտեսական հարաբերությունները, ակտիվորեն զարգանում են շուկայական և կառավարչական ենթակառուցվածքները: Հայտնի է, որ ենթակառուցվածքները երկրի, տարածաշրջանի ու քաղաքի զարգացման հիմքը և արդյունքն են, ինչի պատճառով տնտեսական մի ֆորմացիայից մյուսին անցումը ենթադրում է քաղաքային ենթակառուցվածքների բաղկացուցիչների և տարրերի համապատասխան փոփոխություն:

Շուկայական հարաբերությունների պայմաններում քաղաքային ենթակառուցվածքների կազմում, արտադրական և սոցիալական բաղկացուցիչներին զուգահեռ, ձևավորվում է նոր՝ տնտեսական բաղկացուցիչը, չնայած այն հանգամանքին, որ իրենց վրա խիստ որոշակի ծանրաբեռնվածություն կրում են ենթակառուցվածքային համալիրի ինչպես արտադրական, այնպես էլ սոցիալական բաղկացուցիչները: Տնտեսական ենթակառուցվածքները այն ճյուղերի և ձեռնարկությունների համալիրն են, որոնք սպասարկում են ինչպես արտադրությանը, այնպես էլ ապահովում են քաղաքային բնակչության կենսագործունեությունը: Տնտեսական ենթակառուցվածքների գործունեության արդյունք է այն ծառայությունների գործունեությունը, որոնք անմիջականորեն (էլեկտրո, ջերմա, ջրա և գազամատակարարման ծառայություններ) կամ միջնորդավորված (տրանսպորտի, կապի, առևտրի ծառայություններ) նյութականացվում են իրենց ներգործության առարկաներում: Դրանք, որպես կանոն, ունեն միջճյուղային բնույթ և ուղղված են քաղաքային տնտեսության սպասարկմանը կամ բնակչության կենսագործունեության ապահովմանը:

«Տնտեսական ենթակառուցվածքներ» հասկացության գլխավոր բնութագրիչն է արտադրության զարգացման և քաղաքային բնակչությանը ծառայությունների մատուցման համար ընդհանուր պայմանների ապահովման գործառնությունը: Տնտեսական ենթակառուցվածքները կարելի է ներկայացնել հետևյալ գծանկարի տեսքով.



Տնտեսական ենթակառուցվածքների գործունեության կազմակերպման համաշխարհային փորձի վերլուծությունը վկայում է դրանց որոշակի առանձնահատկությունների մասին: Առաջին,

մի շարք երկրներում տնտեսական ենթակառուցվածքների զարգացման ժամանակակից փուլը բնութագրվում է այդ ոլորտում գործունեության կազմակերպման և կառավարման գործընթացին պետության ուղղակի մասնակցությունից հրաժարմամբ: Երկրորդ, պետության ուղղակի մասնակցության նվազեցումը փոխհատուցվում է պետական կարգավորման անուղղակի մեթոդների ուժեղացմամբ և տվյալ ոլորտում իրականացվող գործունեության նկատմամբ վերահսկողական մեխանիզմների ընդլայնմամբ: Եվ վերջապես, շատ երկրներում ծառայությունների շուկայի ազատականացումն ուղղակիորեն նպաստում է մրցակցության ուժեղացմանը:

Ընդհանուր առմամբ, միջազգային փորձի ընդհանրացումը ցույց է տալիս, որ տնտեսական ենթակառուցվածքների զարգացման ներկա փուլի հիմնական միտումն է դրանց գործունեության առևտրայնացումը՝ պետական կարգավորման անուղղակի մեթոդների միաժամանակյա կիրառմամբ: Քաղաքի տնտեսական ենթակառուցվածքների կառավարումն ու գործունեության կազմակերպումն ուղեկցվում են բազմաբնույթ հիմնախնդիրների լուծման և կառավարչական որոշումների ընդունման անհրաժեշտությամբ: Հարկ է նշել, որ գոյություն ունեցող հիմնախնդիրների զգալի մասը կրում է համալիր բնույթ, ինչը նպատակահարմար է դարձնում այնպիսի չափորոշիչների մշակումը և կիրառումը, որոնք ընդունակ են լիարժեքորեն արտացոլել քաղաքի տնտեսական ենթակառուցվածքների իրական բովանդակությունը և հիմնական նպատակը: Ըստ էության, այդ չափորոշիչները կարող են ներկայացվել հետևյալ խմբերի տեսքով.

- տնտեսական չափորոշիչներ. քաղաքային տնտեսության ենթակառուցվածքային ապահովվածության հիմնախնդիրների շուկայական ասպեկտները բնութագրող քանակական և որակական ցուցանիշների համակարգ է,
- քաղաքի տնտեսական անվտանգության չափորոշիչներ. պարունակում են սահմանված մորմատիվներ՝ տնտեսական անվտանգության ցուցանիշներ, որոնց ապահովմանն է ուղղված քաղաքի տնտեսական ենթակառուցվածքների գործունեությունը,
- սոցիալ-տնտեսական չափորոշիչներ. ներառում են տեխնիկատնտեսական և սոցիալական մորմատիվներ, որոնցով սահմանվում են տնտեսական ենթակառուցվածքների նկատմամբ պահանջները:

Ըստ էության, քաղաքային տնտեսության արդյունավետ գործունեության ապահովման համար կարևորվում է քաղաքի տնտեսական ենթակառուցվածքների ներուժի գնահատումը: Վերջինս գոյություն ունեցող ռեսուրսներն օգտագործելու ընդունակությունն ու հնարավորությունն է՝ արդյունաբերության, սոցիալական ոլորտի և բնակչության պահանջմունքները բավարարելու նպատակով:

Իր օբյեկտիվ բովանդակությամբ ենթակառուցվածքային ներուժը բնութագրվում է համակարգի ռեալ իրավիճակով և արտահայտվում է դրա տարրերի քանակական և որակական չափորոշիչներով: Այդ տարրերից կարելի է առանձնացնել հետևյալները.

- մյութատեխնիկական ներուժ,
- ֆինանսական ներուժ,
- կազմակերպական-կառավարչական ներուժ:

Փաստորեն, վերջիններս այն անհրաժեշտ բաղադրիչներն են, որոնց առկայությամբ է պայմանավորված քաղաքի տնտեսական ենթակառուցվածքների արդյունավետ գործունեությունը: Ըստ էության, դրանք միաժամանակ քաղաքային տնտեսության բնականոն գործունեության ապահովման և զարգացման կարևոր նախադրյալներն են: Քաղաքի տնտեսական ենթակառուցվածքի կառավարման առանձնահատկությունների վերլուծությունը վկայում է այն մասին, որ չափազանց կարևոր և հրատապ լուծում պահանջող խնդիր է տարբեր մակարդակների կառավարման մարմինների միջև լիազորությունների հստակ բաշխումը: Այս առումով անհրաժեշտ է մշակել և ներդնել տնտեսական ենթակառուցվածքի կառավարման այնպիսի

համակարգ, որը, մի կողմից հաշվի կառնի դրա առանձին ճյուղերի գործունեության առանձնա-
հատկությունները, իսկ մյուս կողմից կնպաստի շուկայական տնտեսավարման սկզբունքների
արդյունավետ կիրառմանը:

Այսպիսով, կարելի է պնդել, որ քաղաքային տնտեսության զարգացումն ուղղակիորեն
այայնանալորված է համապատասխան ենթակառուցվածքների առկայությամբ և արդյունավետ
գործունեությամբ, ինչի ապահովմանն էլ պետք է ուղղված լինի քաղաքային իշխանությունների
կողմից իրականացվող քաղաքականությունը:

ՎԱՐԴԱՆ ՎԱՐԴԱՆՅԱՆ

ՀՀ ԳԱԱ Մ.Քոթանյանի անվան

տնտեսագիտության ինստիտուտի հայցորդ

ՔԱՂԱՔԻ ԳԼԽԱՎՈՐ ՀԱՏԱԿԱԳԾԻ ԱՌԱՆՁՆԱՀԱՏԿՈՒԹՅՈՒՆՆԵՐԸ ԵՎ ԴԵՐԸ ՔԱՂԱՔԱՅԻՆ ՏՆՏԵՍՈՒԹՅԱՆ ԶԱՐԳԱՅՄԱՆ ԳՈՐԾՈՒՄ

Պետության տնտեսական քաղաքականության կարևոր ուղղություններից է տարածքային
քաղաքականությունը, որն, ըստ էության, պետության կողմից նրա վարչատարածքային միա-
վորներում սոցիալ-տնտեսական հարաբերությունների կարգավորմանն ու զարգացմանն
ուղղված միջոցառումների, գործողությունների ու քայլերի, ինչպես նաև դրված նպատակների
հասնելու սկզբունքների, լծակների ու մեթոդների համալիր է: Այս համատեքստում խիստ
կարևորվում են առանձին վարչատարածքային միավորների արդյունավետ զարգացման
խնդիրները, որոնց լուծումն ակնհայտորեն կապահովի էական առաջընթաց երկրի սոցիալ-
տնտեսական զարգացման համար՝ ստեղծելով համապատասխան նախադրյալներ:

Տվյալ բնագավառի զարգացման քաղաքականությամբ նախատեսված միջոցառումների
կատարման անհետևանքայնությունը, տարածքային զարգացման ռազմավարության, ինչպես
նաև հիմնավոր սկզբունքների և մոտեցումների բացակայությունը հանգեցրին հանրապետու-
թյան տարածքային զարգացման խիստ բևեռացմանը և սոցիալ-տնտեսական իրավիճակի
վատթարացմանը: Այս հանգամանքն ուղղակիորեն ու մեծապես նպաստեց հանրապետության
տարածքում բնակչության կենսամակարդակի կտրուկ անկմանը և առկա ռեսուրսների ոչ
ռացիոնալ օգտագործմանը: Դա, իր հերթին, այայնանալորված էր նաև նրանով, որ տնտեսա-
կան նոր հարաբերություններին անցման ամբողջ ժամանակահատվածում իրականացվող
բարեփոխումների հիմքում չդրվեցին հիմնավոր ու համալիր լուծումներ ենթադրող մոտեցումներ:

Տնտեսական զարգացման ներկա փուլում խիստ կարևորվում է առանձին տարա-
ծաշրջանների զարգացմանն ուղղված համալիր և ամբողջական ծրագրի մշակումը, որով
կսահմանվեն այդ ուղղությամբ քաղաքականության հիմնական ուղղությունները, դրանցով
այայնանալորված գերակայությունները, ինչպես նաև նախատեսվող միջոցառումները և դրանց
իրականացման ժամանակացույցը:

Հանրապետությունում տարածքային զարգացման տեսանկյունից հատկապես կարևոր-
վում է քաղաքների զարգացումը, որոնցում է տեղաբաշխված մարդկային, արտադրական և
կառավարչական ռեսուրսների զգալի մասը: Նման հանգամանքը ակնհայտորեն բարձրացնում
է քաղաքի գլխավոր հատակագծի մշակման և հաստատման կարևորությունը, որը քաղա-
քաշինական զարգացման պլանավորման հիմնական փաստաթուղթն է: Վերջինիս հիմնական
նպատակներն են՝ քաղաքի կայուն զարգացման և կենսագործունեության բարենպաստ միջա-